

Yungzsuij:

Gamduk Hengz Gijliz Bang Seizcin Dajndaem

Mboengqneix, Yungzsuij Myauzcuz Swciyen Gijveij Genhvej haiguh doengh gij hozdung gamduk hengz gijliz bang seizcin dajndaem, youz yen gijveij genhvej daiqdaez, lienzhab nungzyez、fuzbinz、saemjgeiq daengj bouhmonz, gapbaenz 7 aen cuj gamduk genjcaz, gamduk genjcaz leih minzcuz cwngecz, ngaenzcienz banggungz、canjnieb hwngfat、ganbu cozfungh caeuq guen-leix aendoih guhhong banggungz capyouq mbanj daengj, cietsaed gyagiengz gij ligdoh gamcaz genjcaz dieg banggungz nduknaeuh caeuq cozfungh vwndiz, vih seizcin dajndaem bwh ndaem guhhong guh ndei baujhoh.

(Lungz Linzci/龙林智)



▲ Ganbu gamcaz bae ranz Myauzcuz cam seizcin dajndaem cingzgvang.

► Ganbu gamcaz bae cazyawj canjnieb hwngfat.



Lungzswng: Fuengz Raq Mbouj Nguh Hong Mbaet Caz

Ndwen 2 ngoenz 18, youq Lungzswng Gak Cuz Swciyen Majdiz Yangh Fuzyungz Cunh, gyoengq vunzmbanj cingq mbaet cazcin. Seizneix cingqdwg seiz cazcin baenz mbaet, Lungzswng dingjmaenh fwngz ndeu gaem yawhfuengz gaemhanh binghraq, fwngz ndeu gaem hoizfuk guhhong, miz bouhloh cujcz aen giyez mbawcaz dauq haihong guhhong, nungzyez nungzcunh bouhmonz depgonq fugsah, sonyinx vunz ndaem caz guh ndei hong ciengj mbaet caz.

(Vuz Cecen Lij Yajdingz/吴倩茜 李雅婷)



▲ Vunzmbanj cingq mbaet cazcin.



▲ Vunzlai dajndaem goyouzcuz.

Ginhsiu: Hawxsij Daengz Nyaengq Dajndaem Youzcuz

Seizciet hawxsij daeujdaengz, mbwn dauq raeuj, doenghgo dokngaz, cingqdwg seizciet ndei guh seizcin dajndaem, vunzguhnaz youq gyang reih gyaeuj naz hainduj nyaengq hwnjdaej. Ginhsiu Yauzcuz Swciyen fwngz ndeu gaemmaenh yawhfuengz gaemhanh binghraq, fwngz ndeu cagaenj guhhong, vih daengx bi canjnieb hwngfat、vut gungz gunggeng、vunzlai demsou guh ndei giekdaej, guh ndei haidaeuz, bangrengz lajmbanj saenqhwnz.

Geij bi neix daej, vih dwk ndei ciengzciengq canjnieb banggungz neix, Giuhsiu Yauzcuz Swciyen baengh gij swhyenz ndei diegbya、diegndoeng lai, giethab aen canloz lajmbanj saenqhwnz, vih vunzlai gungzhoj daezhawj dieg souhaeuj onjdingh, youq gij giek cungdenj dajcauh “5 + 2” canjnieb daegsaek, haenqrengz hwngfat dajndaem youzcuz caeuq ywdoj, okdaiz mizgven gikcoi cwngecz, maeuzveh yungh 3 bi hwngfat youzcuz、ywdoj gak 10 fanh moux.

(Gauh Yuzginh/高如金)

Sanhgyangh: Yungh Dinfwngz Bang Hoenx Raq



▲ Mehdajsiuq cingq dajsiuq.

Ndwen 2 ngoenz 23, mehdajsiuq Duncuz cingq youq Sanhgyangh Duncuz Swciyen Dunczloz Myauzcuz Yangh Dunczloz Cunh Mbanjcaicungz dajsiuq, mbat cim mbat mae dajsiuq ok “gou aeu mwngz bingzan dauqma” “caezsim caemh rengz hoenx binghraq” daengj huqsiuq vih hoenx raq gya rengz, yiengq vunz guhhong youq itsienq hoenx raq haenx gingqlaex. Huqsiuq Duncuz dwg gij dinfwngz conzdungz comz daemjbaengz、nyumx、raed、dajsiuq youq itheij, ndawde cungjloih lai, yiengh moqsag、saek gyaundeih, youq bi 2011 ndaej liedhaeuj buek daihsam guekgya gaep feihvuzciz vwnzva yizcanj mingzloeg.

(Gungh Bujgangh/龚普康)